

Na osnovu članka 16. stavak 4. Zakona o Vladi Zeničko-dobojskog kantona - Pročišćeni tekst („Službene novine Zeničko-dobojskog kantona“, broj:7/10), a u vezi sa člankom 46. Zakona o izvršenju Proračuna Zeničko-dobojskog kantona za 2021.godinu („Službene novine Zeničko-dobojskog kantona“, broj: 7/21), na prijedlog Kantonalne direkcije robnih rezervi, Vlada Zeničko-dobojskog kantona, na 109. sjednici, održanoj dana 16.06.2021. godine, d o n o s i

ZAKLJUČAK

I.

Usvaja se Program utroška budžetskih sredstava za osiguranje skladišnog prostora za skladištenje roba robnih rezervi, u razdjelu 25, budžetske organizacije 01, potrošačka jedinica 0001, Budžeta Zeničko-dobojskog kantona za 2021.godinu („Službene novine Zeničko-dobojskog kantona“, broj: 7/21), ekonomski kod 613 000, analitički konto 613 600, pozicija „Unajmljivanje imovine i opreme“, u iznosu od 11.000,00 KM (slovima: jedanaesttisuća konvertibilnih maraka) i čini sastavni dio ovog zaključka.

II.

Sredstva planirana ovim Programom utroška budžetskih sredstava, realizirat će se u skladu sa člankom 8. Aneks II dio B Zakona o javnim nabavkama („Službeni glasnik Bosne i Hercegovine“, broj: 39/14) i potpisanim ugovorom sa najpovoljnijim ponuđačem na području Zeničko-dobojskog kantona.

III.

Za realizaciju ovog zaključka zadužuje se Kantonalna direkcija robnih rezervi Zeničko-dobojskog kantona i Ministarstvo financija Zeničko-dobojskog kantona, svako u okviru svoje nadležnosti.

IV.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21
Datum, 16.06.2021. godine
Zenica

DOSTAVLJENO

1x Kantonalna direkcija robnih rezervi,
1x Ministarstvo financija,
1x a/a

PROGRAM
UTROŠKA BUDŽETSKIH SREDSTAVA ZA OSIGURANJE SKLADIŠNOG PROSTORA ZA
SKLADIŠTENJE ROBA ROBNIH REZERV

Podaci o Programu

- | | |
|---------------------------------|---|
| 1. Program je usvojen: | Na 109. sjednici Vlade Zeničko-dobojskog kantona održanoj 16.06.2021. godine |
| 2. Period realizacije Programa: | Studen 2021. godina |
| 3. Ukupna vrijednost Programa: | 11.000,00 KM |
| 4. Namjena Programa: | Osiguranje skladištenja i znavljanja 65.000 kg brašna tip 500. |
| 5. Korisnici Programa: | Potencijalni gospodarski subjekti na području Ze-do kantona koji posjeduju skladišne i proizvodne kapaciteta za skladištenje i znavljanje brašna. |
| 6. Izvor sredstava: | Proračunska sredstva u razdjelu 25, proračunske organizacije 01, potrošačka jedinica 0001, Proračuna Zeničko-dobojskog kantona za 2021. godinu ("Službene novine Zeničko-dobojskog kantona", broj: 7/21) ekonomski kod 613 000, analitički konto 613600, pozicija "Unajmljivanje imovine i opreme" u iznosu 11.000,00 KM (slovima: jedanaest tisuća konvertibilnih maraka). |
| 7. Odgovorna osoba: | Direktor Zoran Martinović |

I UVOD

Sukladno odredbama Zakona o robnim rezervama Zeničko dobojskog kantona ("Sl. novine Zeničko-dobojskog kantona", br. 13/97), radi smještaja i čuvanja robnih rezervi, osigurava se odgovarajući skladišni prostor: izgradnjom vlastitog prostora, zajedničkim ulaganjem, kupovinom i zakupom na području Kantona. Imajući u vidu kratke rokove upotrebe prehrambenih artikala i visoke troškove znavljanja istih, jasno je da je najprihvatljiviji vid skladištenja ovih artikala kod tzv. "vanjskih skladištara" - poduzeća, pravnih i fizičkih osoba, koji imaju kapacitete za skladištenje i znavljanje određenih artikala. Poduzeća i druge pravne i fizičke osobe, kojima je ugovorom povjereno skladištenje, čuvanje i znavljanje robnih rezervi dužna su osigurati sve higijensko tehničke i zdravstvene uvjete za održavanje robnih rezervi u ispravnom stanju, pravilno rukovanje i fizičku zaštitu, kao i tajnost podataka, a u slučaju uništenja, otuđenja ili korištenja robe suprotno odredbama ugovora, naknaditi štetu Kantonalnoj direkciji robnih rezervi.

Imajući u vidu da dosadašnji potpisan ugovor o skladištenju i znavljanju brašna tip 500 sa „Mlini-pek“ d.o.o. D. Golubinja, Žepče, broj: 17-14-14265-17/18. od 19.11.2018. godine, ističe zaključno sa 19.11.2021. godine, Kantonalna direkcija robnih rezervi Zeničko dobojskog kantona, u cilju daljnjeg osiguranja skladištenja, čuvanja i znavljanja 65.000 kg brašna tip 500, dužna je pokrenuti proceduru za ovu uslugu u skladu sa Zakonom o javnim nabavkama ("Sl. glasnik BiH", br. 39/14).

II IZVOR SREDSTAVA ZA REALIZACIJU PROGRAMA

Proračunom Zeničko-dobojskog kantona za 2021. godinu ("Sl. novine Zeničko-dobojskog kantona", broj: 7/21.) ekonomski kod 613 000 – izdaci za materijal i usluge, analitički konto 613 600, pozicija "Unajmljivanje imovine i opreme" planiran je utrošak sredstava za unajmljivanje skladišnog prostora za potrebe Kantonalne direkcije robnih rezervi.

III NAMJENA SREDSTAVA

Sredstva su namjenjena za plaćanje usluge skladištenja, čuvanja i znavljanja 65.000 kg brašna tip 500, pakovanje 25/1, a koje će se relizirati nakon provedene procedure, u skladu sa člankom 8. Zakona o javnim nabavkama, Aneks II dio B i potpisanog ugovora sa najpovoljnijim ponuđačem na području Zeničko-dobojskog kantona.

Ugovor o skladištenju, čuvanju i znavljanju brašna, sa najpovoljnijim ponuđačem, biti će potpisan u trajanju od 3 (tri) godine, a prije potpisivanja istog Kantonalna direkcija robnih rezervi će zatražiti mišljenje pravobraniteljstva na isti, u skladu sa člankom 13. Zakona o pravobraniteljstvu ("Službene novine Ze-do kantona", broj:12/13).

IV KRITERIJI ZA KORIŠTENJE SREDSTAVA

Kriteriji za korištenje sredstava je zaključen Ugovor o skladištenju, čuvanju i znavljanju 65.000 kg brašna tip 500, na osnovu kojeg će skladištar do 15. u tekućem mjesecu, za protekli mjesec, fakturirati uslugu skladištenja, čuvanja i znavljanja predmetnog brašna, na ime Kantonalne direkcije robnih rezervi Zeničko-dobojskog kantona, za cijelo vrijeme trajanja ugovora.

V REALIZACIJA PROGRAMA

Program će se realizirati u vremenu trajanja Ugovora. Ukoliko Kantonalna direkcija robnih rezervi, nakon provedene procedure predviđene zakonom javnim nabavkama, ne uspije osigurati adekvatan skladišni prostor za predmetnu robu (brašno) na području Zeničko-dobojskog kantona, u okvirima predviđenih sredstava, dužna je u skladu sa člankom 31. Zakona o robnim rezervama predložiti Vladi Zeničko-dobojskog kantona Odluku o korištenju predmetnih robnih rezervi, a privremeno, do realizacije odluke, brašno uskladištiti u iznajmljenom skladištu Željezare Zenica - poslovna zona Šljivik.

PREMIJER

Mirnes Bašić

Broj: 02-_____/21

Datum, 16.06.2021. godine

Zenica

DOSTAVLJENO

1x Kantonalna direkcija robnih rezervi,

1x Ministarstvo financija,

1x a/a